

近代中國史料叢刊續編第六十四輯
沈雲龍主編

遼

東

疏

稿

畢自肅著

文藻出版社

有限公司

印行

近代中國史料叢刊續編

第六十四輯

目錄

遼東疏稿	……	畢自肅著
清史論叢 第一集	……	存萃學社編
清史論叢 第二集	……	存萃學社編
清史論叢 第三集	附：村山緯·北條鉉·大清三朝事略	存萃學社編
眉廬叢話·餐櫻廡隨筆	……	沈蕙風著
曾胡談薈	……	徐一凌著
凌霄·一士隨筆	……	徐一凌著
凌霄·一士隨筆	……	徐一凌著
凌霄·一士隨筆	……	徐一凌著
清末職官表	光緒三十四年十二月至六月 宣統二年一月至七月 宣統元年一月至十二月 宣統三年一月至七月	佚名輯

遼撫中丞八弟冲陽公傳

悲哉中丞弟之無祿也方弟初諳訓誥先大人即命之從余講解經書品隲鉛槧弟天性淳篤而英發凝重而果毅有聰明才辨之士所不及者余每以大受期之乃先大人在日未售也服闋癸卯薦東閣賢書既舉孝廉而需次公車者又一紀餘余方馳驅中外間以讀禮請告家居昕夕聚首未嘗不壯其志憐其才而虞其半途廢也諄諄勸勉切磋如平生齒頰間

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



不少假貸至丙辰春果裒然登上第矣筮仕定輿輪
蹄絡繹撫循凋瘵執法不撓大有強項敬為遠近推
重薦剡臚列譽不容口迨壬辰春瓜期已屆業荷

欽取當在臺省列適余督餉津門承乏卿貳遂格功令

不與考選是則余之重有累于吾弟也量移春曹攝

署二館柔遠人而革俸實芳聞藉藉時余方有留計

之役私念弟資俸漸深可補內地藩臬會有忌者陰
為人百計擠排丙寅三月遂以少恭備兵寧前弟受

命叱馭而前無難色至則秋雨連綿五城一時俱圯人心
洶洶弟謂無恐戰車可城也竭蹶版築不兩月雉堞屹然
事竣晉憲副袁撫倚之如左右手時初遣三內監出鎮閔寧
氣焰薰灼弟獨不為屈與分庭抗禮丁卯夏敵忽闌入犯錦
五大帥首鼠兩端弟叱之使前士心頗奮俄報敵兵深入仍
以輕師綴錦會有議悉索寧兵援錦者弟持不可曰敵非利錦
也欲致我師耳師出而遇諸途有如野戰不利則寧危矣翌日

敵果捲甲而來直薄寧城我師以逸待勞擊卻之寧
城以全錦圍亦解時弟晝夜棲息城垣親冒矢石調
度兵將厥功甚著然以岷強不得內監意而撫與督
又以閑寧分內外積漸成隙以故敵退叙功閑內督
師司道升蔭俱居其腴而袁撫僅遷右都弟亦止得
太僕虛御^銜耳無何袁撫遣喇嘛僧往敵奉^帛弟爭之
不能得敵遂遣使來以謝^帛為名名謾語求款諸公
默然弟髮上指叱曰若欲款乎非盡返遼地盡歸遼

人不可敵使咋舌退未幾袁撫罷去督師移駐寧遠
議收北虜一時來附約十萬衆弟謂此屬寔附敵而
敵不能食之以果然之腹託我飽則颺去耳宜置
邊鄙使各自為部落量給衣糧約以漢法為外敵督
師懷不用弟度無可如何乃擇其精銳者以夷酋桑
昂免介統之其老稚婦女聽督師請之朝散置雲中
上谷甘涼甌脫間方獲帖然弟復念寧城斗大恐有
不能守乃創外城浚深濠採石築垣咄嗟立辦未幾

聖明御極公道漸明督師中彈章去而更置遣撫之議起
戊辰春弟乃承乏備位矣弟受任即條上便宜九事
聖明倍為擊節中外想望丰采無奈弟既寡援孤拍無和
請馬價不應請器械不應請撫賞不應請月餉不應
迨四五月間而又有遼東寇入犯之報先是寧錦之役
敵偵弟在行間甚憚威名至是凜凜不敢窺寧遠一
步出沒錦杏間弟又先期收斂野無所掠但以我師
馬匹器械未備兵氣未賈壯一意堅壁壁清野不為動

計策
在萬全敵乃拆錦杏城空碎磚石而去此其鎮定自
勝所保全寔多而旁觀者不察且加苛責敵退呼餉
復付罔聞猶乘間亟修錦城次繕杏城兵衆踴躍趨
事皆不半月而就方築錦時忽於城外得熟磚九十
窰約二十餘萬共驚歎為神寔相之時插首方西犯
雲中朝寧多急插而緩東署部少司農復移閔寧之
餉以餉宣大人有謂閔寧與他鎮不同者少司農弗
信也弟抗疏陳請凡八九上淚盡成血

明旨屢俞趣發遼餉而少司農亦弗信也當春月時州

縣八

覲外解甚稀抵是輸將絡繹仍儲積以備極緣少司農
先任甘肅中丞習見彼中民屯之侈物力之饒而不
知遼左之異是也月餉馬乾缺至四五月不發天乎
豈非吾弟畢命之秋乎遼左軍士俱係烏合從來奉
如驕子至川湖一營素號輕躁易亂又奸帥彭簪古
中軍吳國琦從中挑激七月念五遂發難端操戈相

向初意止欲威逼撫鎮為索餉計耳弟素剛果見冠履倒置不勝憤激詬誶亂卒曾不作一巽慄語而巨挺搃遂下血流被面亂卒扶掖挾之鼓樓諸嗜利者相率入弟卧内意有厚積而實空如洗也亂卒始大悔悟嗣得道臣郭君廣徧搜庫藏及貸城內富商副以拆銀印信小票分給各軍與行戶貿易遂解散弭耳就伍是時首尾紛呶凡四日弟既恚憤不食病遂不支猶從清醒時口占上疏請罪請罷遠巡旬日移鎮

中右至八月八日奄忽而逝傷哉

聖明聞變惻然動容至切責少司農少司農亦惶懼待罪
始事甚明屬有言路意在釣奇而橫加吹求者曰亂
匪自作必有繇興且計部歲入原不足以供歲出况
邊方在在呼庚而茲且以缺餉斃一巡撫此豈可使
聞於鄰國乎不如繩以大義責備死者猶可彌亂萌
於將來也以故屢煩

明綸再勤會議盡削弟生前官階俾捐軀殉

國者曾不得蒙

聖明帷蓋之恩時余適以

宸簡召入為大司農雨疏叩

閣為弟訟寃頗荷

聖明鑒察旋罷少司農職削其官廕弟甫沒不兩日而有
養木及大梁王寨之捷其前鋒總戎祖大壽等則弟
所布置也其獲功降人桑昂兒介等則弟所安插也
督師關院先後題敘咸頌弟功滿意此舉可以昭雪

沉寃而竟亦一筆抹殺槩擯不錄矣想

雷霆無竟日之怒而覆盆有必照之期顧未卜在何時
何日耳督師袁公既至寧遠數上書陳弟忠勤閔院
王君會圖亦有疏歸咎少司農曰我雖不殺伯仁伯仁
繇我而死督餉錢君士貴縷指積餉不發之狀厯厯
如畫閣外餉司王君楫不顧堂屬體統兩疏糾少司
農此皆身在事中者與風聞不同今諸疏俱在真遼
變之確案也無煩余再贅一詞矣余搜剔邸報故牘

得弟撫遼疏草彙為一集題曰撫遼茶語以志苦云
夫弟撫遼未匝六月然諦覩疏草氣魄力量似足勝
其任而竟以不免此其苦在身疏草十七請餉即有
不專為餉發者而語次必及之似^預返知有大變而將
伯之呼竟託空言此其苦又在心矣詩曰誰謂荼苦
其甘如薺惟弟足以當之余故以此題其疏草首先
大夫庭訓嘗曰汝曾居家當為良士出仕當為純臣
懷利自點貽羞中外斲削元氣凋喪祖德者雖在華

進身正氣
一
膺弗若韋布吾不願有此子孫也今余備位六卿兢
業自持禔身謀

國未敢一為欺天罔人之事中丞弟雖賈志以沒然侃
侃自立花封懋循良卓異之績寅清騰柔遠馭夷之
聲至於在遼三載鬚髮為枯一腔熱血有觸必洒生
前之拮据若彼歿後之勛庸若此庶幾不負

國亦不負庭訓矣古之君子不以成敗論英雄使弟不
苦掣肘得究其用其所建豎寧可量哉因摭其生平

附於家乘令後世子孫得考鏡焉

崇禎二年歲次己巳夏五月長至吉旦

太子少保資德大夫戶部尚書侍

經筵友于居士自嚴灑淚撰於長安邸舍

還身正素

皇帝勅諭巡撫遼東山海關等處地方提督軍務都察院
右僉都御史畢自肅自有邊難以來十載于茲尚稽
天討賴

宗社之靈前撫嬰城一戰大挫狂鋒踉蹌東遁嗣是寧錦
屢捷我武用張然河東尚隔王化軍民未得休息兼
以近通者都邑二令携貳入敵窮復依我華夷之限當
嚴勇悍之性巨測朕每東顧殷憂未寧茲特命爾巡
撫遼東山海等處地方提督軍務兼管備倭撫循地

遼東流高

傳

乙

方整督防禦訓練兵馬區畫糧儲聽理詞訟安插降
~~兵~~^夷置備衣甲器械繕修城堡墩臺修理屯田鹽政禁
革一切奸弊爾仍需管撫款西邊務部使邊部聯屬東
兵有警即便調度官軍相機戰守其有臨陣退縮策
應稽遲抗違節制阻撓軍令及妄殺偽級侵剋帑餉
者或應奏請逮處或應竟自梟示悉聽爾便宜朕不
中制爾威望素著立有成績既膺重寄於循行原管
事務中更宜加意必飭鼓舞將吏吏共圖安攘毋輕為

以取敗亦勿重發以喪功一切機宜應參酌者與總
兵官議妥而行其兵備監軍道府佐并副總兵參遊
都守等官悉聽爾節制爾仍聽督師及總督官節制
文武各官其失^失心為國立有功績即與奏聞陞賞其
歲終循例甄別及報命之日仍俱聽爾舉劾爾其務
虛己秉公同心戮力以收萬全近因樞臣條議駐兵
蓋套逼其心腹朕甚嘉之爾并悉心經營曉茲三韓
寔惟爾任恢復大計付託尤殷欽哉無負朕命故諭

通志

勅

命

崇禎元年三月十六日

之

寶

遼東疏稿目錄

到任恭謝疏

危邊責任匪輕疏

軍需已奉 明旨部覆未有的期疏

危鎮將難得人疏

危疆用人為要疏

邊賊驕逞已甚邊防備禦難周疏

懇辭糧務重任疏

戰守未敢輕議備豫當求實着疏

公舉死節以乞闡揚疏 塘報

寇賊計窮暫退疏

敵計勢在必逞錦城斷在必修疏

加級兩奉 明旨疏

移戶部請餉咨具揭發抄

兵農交匱東西并急疏

屢下 明旨軍需久稽疏

微臣奉職無能聞 諭增場疏

錦城就完杏山初築疏

恭報降人安插已定疏

微臣請非額外疏

邊餉久絕敵信告急疏

請餉發抄副啟 塘報

東信旦夕告急軍防戰守俱難疏

軍丁鼓譟甚酷疏

正統

二

遼東疏稿卷一

到任恭謝疏

巡撫遼東畢自肅謹

奏為遵

旨到任并瀝微情恭謝

天恩仰祈

聖鑒事臣前任太僕寺少卿仍管寧前道事於崇禎元年

正月三十日準吏部咨為欽奉

明旨事該吏部等衙門會推臣巡撫遼東寧遠地方等因
於本年正月二十五日奉

聖旨畢自肅陞都察院右僉都御史巡撫遼東寧遠地方
替理軍務兼管備倭寫勅與他欽此備咨到臣臣一

聞

天命惶懼不堪勝私念遼東何地巡撫何官而謬及庸庸之
臣也即欲具疏控辭而例無可援邊圉事重遂於二
月二十一日恭設香案望闕謝

恩到任受事訖伏念臣筮仕衝邑備歷艱辛俸足行取取
以臣兄自嚴督餉天津道例迴避除授禮曹再閱四
載陞任前道單騎出關刻期抵任朝夕拮据惟力是
視六年之修築工以竣告臣於是有副使之陞七年
之戰守賊以敗歸臣於是有僕少之如此則上有所稟
承下有所憑藉皆因人而成事非臣力所能辦賊也
就中內臣出鎮如孫茂霖林武俊頗知約己以馭下
而劉應坤紀用則惟怙勢而自尊於臣則百加欺侮

臣亦百為執持於民則百加凌虐臣亦百為護惜所
 為與梵梵子遺形影相倚共延殘喘以至今日者猶
 爾驚魂未定亦不自意其尚得躬逢堯舜之主而共
 耀光化之下矣緣是臣魁技已窮蒲姿先彫形容就
 瘁鬚髮皤如方擬於冰泮之日求假調理而本兵忽
 有遼撫之議臣繼有會推之舉固以臣久待罪於遼
 或可駕輕熟以收尺寸之効也不知臣幼攻鉛槧長
 習吏事賦性迂拙如石不轉兵家機事玄妙變幻呼

吸風雲有何當焉即三年以來清理兵馬稽覆糧餉
不無少益亦僅僅吏事自効耳一旦猥膺重任凡百
戰守機宜進退布置選將練兵固圉恢疆之任胥萃
責於其躬絕無可為推卸者能無效負之懼乎故強
敵東逼則剝膚是虞狡兵西橫則渝盟為慮款塞乞
憐之降衆拒受為難襁負來歸之窮民綏輯未易伍
虛馬羸壁壘何自改觀將懦兵怯折衝何繇制勝內
顧性命覺出生入死之猶輕上念宵旰即卧薪嘗膽

以
難報此臣之萬萬不敢自以為能也今辭之不可
分無可逃惟有益勵丹心矢竭愚才糾邈精銳合衆
力以為強廣延籌畫集羣策以為用時未可進不敢
虛驕而蹈危機九泥固關永壯金湯之勢事有可乘
不敢偷安而墮軍寔匹馬渡河期殲逆類之羣蓋誓
不與賊俱生未敢遜美於古人滅此而後朝食庶求
底績於異日寧忍以賊貽

君父而重塵